

TARIKH: 20/4/2023  
SURAT KHABAR: BERITA HARIAN  
MUKA SURAT: 5

## Zaini Ujang dilantik KSU Kementerian Sumber Manusia

**Putrajaya:** Datuk Seri Dr Zaini Ujang dilantik sebagai Ketua Setiausaha (KSU) Kementerian Sumber Manusia (KSM) yang baharu, berkuat kuasa semalam.

Pelantikan beliau yang sebelum ini KSU Kementerian Alam Sekitar dan Air (KASA) serta pernah juga berkhidmat sebagai KSU Kementerian Pengajian Tinggi (KPT), diumumkan Ketua Setiausaha Negara, Tan Sri Mohd Zuki Ali.

Zaini, 58, berkelulusan Ijazah Sarjana Muda Kejuruteraan Kimia, Universiti Teknologi Malaysia (UTM) dan Ijazah Sarjana Kejuruteraan Persekitaran, Universiti Newcastle di United

Kingdom.

Beliau memulakan kerjaya sebagai pensyarah di UTM pada 6 Ogos 1988 sebelum memegang jawatan Pegawai Tadbir dan Diplomatik pada 1 Oktober 2011.

Mohd Zuki berkata, Zaini berpengalaman luas dalam pengurusan sumber manusia, pendidikan, perancangan, penyelidikan dan alam sekitar khususnya teknologi air.

“Semoga dengan pelantikan ini, dapat merealisasikan visi kementerian sebagai ‘Peneraju Pembangunan dan Pengurusan Sumber Manusia Negara,’” katanya.



Zaini Ujang

BH - Khamis 20/4/2023  
M/S 5